

# اسم الله القريب | الجزء 10 ( | #فإني\_قريب | د. حازم

## شومان

حازم شومان

السلام عليكم ورحمة الله وبركاته الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله. وبيدك الخير كله واليك يرجع كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد. اخواني في الله - [00:00:00](#)

اكثر حاجة كل واحد مننا نفسه فيها انه يلاقي حد حاسس به انه يلاقي حد يحس به. انه يلاقي حد لما يتكلم معه يحس ان هو مقدر الامه واماله. ومقدر مشاكله ومقدر همومه. ما يحتقرش الكلام اللي هو بيقوله - [00:00:43](#)  
ما يقولوش يا عم انت بتفكر في ايه! يا عم انت مش شايف مشاكل الناس! انت مش شايف الدنيا فيها ايه! انت فين يا عم والدنيا فين ؟ يحس ان فيه حد مقدره - [00:00:57](#)

وان فيه حد حاسس به. عشان كده اسمي النهاردة اكثر اسم هيحسسك ان انت فرحان. انتم عارفين لما تيجي تقابل واحد كده تقول ياه ده انا كنت بدور عليك من زمان - [00:01:07](#)

ده انا كنت بادور على حد كده اخيرا لقيت اللي انا كنت بادور عليه من زمان. تحس ان هو قريب منك اوي. وتحس وانت بتتكلم معه ان في انسجام رهيب وان قادر يحتويك وانه مقدر كلامك وانه حاسس بك وانه عالم احساس كبير اوي اوي اوي - [00:01:19](#)  
مممكن تحس ويغير حياتك. لما تعرف ان ربنا سمى نفسه القريب. ان الله سبحانه وتعالى سمى نفسه القريب. يعني ايه القريب؟ وانا باسمع الصلاة النهاردة كده فقاعد على فكرة يا اخوانا الكلام مش هيبقى مترتب خالص. لان كل اللي انا مرتبه يعني ايه يعني مش آآ مش مش قادر اتكلم بدماعي - [00:01:39](#)

مش قادر اتكلم من هنا الوقتي. يعني يعني الواحد وهو بيسمع كده الايات انا مستغرب من الكلام. يعني اول مرة احس ان اللي بيتكلم قريب اوي مننا اوي. قريب مني اوي وهو بيتكلم وربنا سبحانه وتعالى بيقول يريد الله ان يخفف عنكم. يعني ربنا ده حد قريب اوي - [00:01:59](#)

اعلم انا ضعيف قد ايه. وانا جوايا شهوات قد ايه. وانا ما اقدرش استحمل حتى لو جا لي لحزات حماس وعملت نفسي يعني هاقدر بقى وسبع رجالة انا في الاخر ما اقدرش انا في الاخر ضعيف - [00:02:20](#)

والله يريد ان يتوب عليكم. ويريد الذين يتبعون الشهوات ان تميلوا ميلا عظيما. يريد الله ان يخفف عنكم. يريد مش يريد ارادة لله. يريد الله ان يخفف عنكم. حسيت كده وانا مغمض عيني. واحد مغمض عينه وبدأ يحلم بقى - [00:02:36](#)

عيش كده وبدأ يحلم باي حاجة بقى يحلم بواحدة بيحبها يحلم بفلوس يحلم ان اختنا يحلم ان هو عنده جزيرة في المحيط الاطلنطي ويصيح لك باللي هو عايز يحلم به. وفجأة واحد بيصحيه كده ولا تتمنوا ما فضل الله به بعضكم على بعض. يا عم ما تقضيهاش احلام. الله! انت حاسس بها ازاى - [00:02:56](#)

هو هو في حد داري بي دلوقتي ؟ ده انا مغمض عيني وقاعد احلم اصلا. يعني ما يعني اخويا نايم جنبى ولا ما حدش ما حدش واخذ باله مني اصلا - [00:03:16](#)

ولا حد ما تقضيهاش احلام. امال اعمل ايه؟ للرجال نصيب مما اكتسبوا. اكتسبوا افتعلوا اشتغل افتعل وللنساء نصيب مما اكتسبن

واسألوا الله من فضله. اشتغل واتعب عشان تحقق احلامك دي. احلامك مش هتيجي اما تقعد في احلام يقظة ساعتين كل ليلة. بعد كده واحد اتجوز - [00:03:26](#)

وليلة الدخلة وداخل مع مراته. وقفلوا باب الشقة عليهم. ما حدش داري بهم خالص. يلاقي فيه حد داخل له الرجال قوامون على النساء. خدوا بالكم بقى عشان ترتبوا العلاقة دي مع بعض انتم لازم يبقى فيه قواعد البيت ده يمشي بها. واحد رايح يتقدم لوحده. انا عايز عروسة. يلاقي واحد قاعد معه تعال بس بفهمك - [00:03:46](#)

الصالحات مش اي واحدة يا ابني تنفع انك تتجوزها. ومش اي واحد يا بنتي ينفع يصلح انه يأسس بيت. ده رخصة قيادة اسرة اصعب مليون مرة من رخصة قيادة تعالى بقى اما افهمك يا ابني كده الصالحة اللي تصلح للحياة الزوجية دي صفاتها ايه؟ قانتات حفظت دي لازم تكون انسانة مطيعة ويا ابني القناعة دي مهمة اوي - [00:04:06](#)

في الحياة لانك انت يوم غني ويوم فقير ويوم معك ويوم ما عكشي. ويوم هتقدر تعمل لها اللي هي عايزاه ويوم مش هتقدر لازم تكون انسانة كل اللي ورا البيت. باب البيت - [00:04:26](#)

يا ابني احيانا انا وانا باسمع الاية الكلام ده ما يقولهوش لآ ما بيقولهوليش في الدنيا غير ابويا. والاية الثانية الكلام ده ما بيقولهوش ما تقولهوش في الدنيا غير واحد صاحبي وبيحبني قوي. وانا فارق معه قوي قوي قوي. اية تالته الكلام ده ما يقولهوش غير كبير العيلة. ابعثوا حكما - [00:04:36](#)

من اهله وحكما من اله. اية رابعة الكلام ده ما يقولهوش. يعني انا ما سمعتوش غير من ابويا او من امي زمان واحنا قاعدين انا واخواتي كده. وهو انتم انت هتعمل لاختويا كذا وهو انت بقى بتحبي اختك اكثر مني! وفي الاخر تقول بعضكم من بعض! انتم كلكم حاجة واحدة عندي! انتم هاجبر خاطرکم كلکم! هدي - [00:04:56](#)

كلکم مش هسيب حد منكم عنده مشكلة الا واحلها له. فالواحد لما بيسمع القرآن يحس ولله المثل الاعلى طبعاً ولله المثل الاعلى ان اللي بيقول الكلام ده قريب اوي منك. اللي بيقول الكلام ده قريب اوي عالم بك. عالم بالامك الوقتي. انت - [00:05:16](#) دلوقتي قاعدة ساكتة واللي على يمينك شايقة انك عادية واللي على شمالك شايقة وانت بتصرخي من جواك انت بتجھري من جواك. من الهم اللي جواك. من المشاكل اللي عندك ما حدش حاسس بك. ولا حد عالم بك - [00:05:36](#)

انما القريب عالم بك انما القريب يعلم بك. ممكن يكون اللي كان بيصلي على يميني ولا على شمالي جواه جبال من الهم والمشاكل. انا مش حاسس به اصلاً ولا متواصل معه ولا حاسس هو بيفكر في ايه. انما ربنا من فوق سبع سماوات عالم به. يعني ايه القريب؟ اسم جبار يا جماعة - [00:05:56](#)

والله فكرت الوقت ان احنا نكمل رمضان كله مع اسم الله القريب ان احنا نكمل سلسلة التراويح كلها مع اسم الله القريب بس ان احنا نبدأ نعيش ربنا قريب قد ايه؟ انا عايزك تغمض عينك الوقتي كده - [00:06:19](#)

وزي ما باقول لكم انا كل الكلام كل الكلام اللي انا مرتبه اصلاً كله راح خالص. انا الوقتي يعني ايه انا الوقتي انا عايز انا عايز احس فعلاً بالاسم العظيم - [00:06:32](#)

كنت بقول لاحد اخواني الصبح بقول له القريب مش قضية بس. ان هو قريب منك. ده قصة تانية. يعني ايه انا عايزك تغمض عينك دلوقتي وتفتكر اقرب واحد لك في الدنيا مين؟ - [00:06:42](#)

مين اقرب واحد لك في الدنيا؟ اقرب واحد لك في الدنيا ده لو انت قدرت تفتكر ان فيه شخصية في حياتك بالمنزله وعلى فكرة أبأس واحد فينا الوقتي في المسجد - [00:06:57](#)

هو اللي مش هيفتكر حد اصعب واحدة حياتها صعبة فينا في المسجد الوقتي هي اللي لما هتغمض عينها كده هتقول ما فيش. الشخصية اللي انت بتتكلّم عنها دي مش موجودة في حياتي اصلاً - [00:07:07](#)

ما لقتهاش لسه لحد دلوقتي. ولا حتى في زوجي ولا حتى في ولادي ولا حتى في اختي ولا حتى في مامتي. ولا حتى اصعب واحد فينا حياته صعبة. هو الشخصية دي مش موجودة في حياته - [00:07:19](#)

ويا بخته اللي الشخصية دي موجودة في حياته. اقرب واحد لك اه. اقرب واحد ده لازم يكون قريب من روعي. لازم اكون بحبه قوي. قريب من روعي ومش بس قريب من قلبي. ده ده لما بسافر لما بسافر عمرة اكثر واحد بشتاق له. واكثر واحد نفسي ان انا اتواصل معه. وعاييز اركب خط عشان اتصل - [00:07:31](#)

وطمنوا ان انا وصلت. وعاييزة الواتس عشان ابعت له رسايل ده اقرب واحد مش بس كده. واقرب واحد لعقلي. ده اكثر نفسياتي اكثر واحد لما باتكلم معه باحس ان هو مقدرني. وان هو حاسس بي وان هو مقدر مشاكلي وان هو ما بيحتقرش كلامي. وانه ما بيحتقرش  
- [00:07:51](#)

ومش بس كده واقرب واحد لوجداني كمان. اول اول واحد باجري عليه لما افرح هو واول واحد بجري عليه لما ازعل هو اقرب واحد لوجداني. واقرب واحد لي في الدنيا مش بس كده. ده ده اكثر واحد لما بيتكلم - [00:08:11](#)  
باحس انه حاسس بي جربت كده انك انت تقرا مسلا تلاقي شاب يقول لك الكاتب الفلاني او الروائي الفلاني ده اكثر واحد حاسس بالام الشباب. اكثر واحد لما باتكلم باعز انه بيتكلم عني اصلا. بحيس ان هو بيتكلم عني انا. ان هو ما بيتكلمش عن اي حد ثاني. باحس انه بيكلمني انا. ده اقرب واحد لي من - [00:08:29](#)

كتاب او اقرب واحد لي من شيوخ او اقرب واحد لي واقرب واحد لي كمان يعني يعني هو اقرب واحد لي ساعة الهم العربية بتاعتي خبطت على الطريق السريع وبعث لخمسين واحد على الواتس وبعث العشر جروبات كل جروب فيه ميت واحد هو اللي بعد عشر دقائق لقيته جاي جري - [00:08:52](#)

ده اقرب واحد عامل زي اقرب مركز شرطة كده. لو حرامي سرقني او اقرب مستشفى لو انا اتعورت او اقرب صيدلية لو جالي مغص محتاجت دواء او اقرب ده ده اقرب واحد لي ساعة المشاكل اقرب واحد بلاقيه جنبي. واقرب واحد لي كمان مش بس كده -  
[00:09:12](#)

ده اقرب واحد لي ده الانسان دايميا يا جماعة بيحب الكمال. فلما يسمع عن حد كامل يقول ياه ده ده اللي في خيالي اصلا من زمان. ده ده اللي انا نفسي الاقيه من زمان حد بالجمال ده وبالجمال ده. فتعالى بقى طبعاً أبأس واحد فينا هو اللي ما عندوش الشخصية دي في حياته. ويعني غالبا غالبا - [00:09:32](#)

ما حدش فينا عنده الشخصية اللي في حياته اصلا. يعني عشان ما حدش يستاهله ان هو محروم وانه غلبان وانه بائس. ما فيش حد منكم عنده الشخصية دي؟ انت عندك الشخص - [00:09:52](#)

مين يا شيخ؟ اتق الله. اه ابو عمر ماشي. انت فمين اللي عنده الشخصية دي؟ ما فيش يا اخوانا والله. يعني مش ما حدش كده غير ربنا. عشان كده ربنا ما سماش نفسه قريب. سمى نفسه ايه؟ القريب. الالف واللام دي ما فيش حد كده اصلا - [00:10:02](#)

ولا تدور يعني يعني مهما كنت بتحب زوجك ما بيسمعنيش. ما بيعملش بقى خمس دقائق حاضر ماشي ويعني وانا جاي كده مع زوجتي من من البيت فباقول لها والله يا دكتور احمد شنان بجد جزاه الله خيرا الفجر وهو بيشرح كلمة - [00:10:22](#)

نساء وبيقول من النساء والتأخير اخرتيني عن التراويج. فهي بتقول لي امال كلمة الرجال جاية منين؟ قلت لها جاية من الرجل؟ قالت لي يعني ايه الكلام ده صح على فكرة لغة ثانية يعني مش باقل فيها - [00:10:42](#)

قابلني يعني ايه جاي من رجلي؟ قلت لها يا ابني الرجل دي لا يقوم الجسم الا بها. ولا يتحرك الجسم الا بها. فيعني فانا اللاتنين جايين كده الحمد لله يعني - [00:10:52](#)

حوار لغوي حلو جدا. فعلا انت يعني القريب سبحانه وتعالى. اقرب واحد لك. اكثر واحد عالم بك وانت قاعد الوقتي كده هو اللي عالم بك. وهو اللي عالم. انا قاعد وانا باصلي. افكر ايه مع اسم الله قريب. وانا باقول يا قريب. افكر - [00:11:02](#)

اقرب واحد لروحك هو ربنا سبحانه وتعالى اكثر واحد تحبه اقرب واحد لقلبك. اكثر واحد تشتاق له اقرب واحد لخيالك ولطموحاتك فعلا اسم الله القريب يعني لما اخترنا عنوان للسلسلة كلها فاني قريب مش لان اسم الله - [00:11:22](#)

قريب وبس اجمل اسم لأ مش كده يا جماعة. لان كل ما هتسمع عن ربنا تحس ان ده اقرب شيء لطموحاتك في الحياة. ايوة هو ده

اللي انا كنت بادور عليه. الجمال ده والجلال ده والكرم ده والعطاء ده مع كل - [00:11:42](#)

كلمة هتسمعها لربنا هتحس انك انت ايوه هو ده اقرب حاجة لخيالي ولطموحي. هو فيه كده ؟ الله سبحانه وتعالى الحمد لله يا رب  
ان انت ربنا عشان كده اسمي يفرحك اوي. اقرب وقت لما تسمع صفات ربنا الانسان بيحب الكمال يا جماعة. فكل ما يسمع عن -

[00:12:02](#)

جمال كل ما يحس ان ده اقرب حاجة لطموحه. مش هاقدر ابقى كده بسك ان انا عرفت ان ربنا كده بقى ربنا اقرب حاجة لقلبك

والمشاعري. اقرب حاجة لوجدانك. ينفع ربنا. يبقى اول واحد - [00:12:22](#)

لما تفرحي تجري عليها ينفع ربنا يبقى اول واحد لما تزعل تجري عليه ينفع يا جماعة اللي هي كلمة النبي عليه الصلاة والسلام اللي

اتوصف بها مش هو اللي قاله على نفسه. كان اذا حزبه امر - [00:12:39](#)

فزع الى الصلاة في اي حدس من احداث الحزاء يجري على ربنا. هو اقرب واحد له اصلا. اقرب واحد له هو الله سبحانه وتعالى فعلا

بحق وحقيقي. انا قاعد بينكم الوقتي - [00:12:54](#)

حاسس بي ما فيش حد عالم المشاكل اللي انا فيها؟ حد عالم بطموحاتي. حد عالم وانا لو انا عيطت في الصلاة انا عيطت ليه اصلا ولا

تعرف اصلا لو انا - [00:13:06](#)

قدامك الوقتي ولا تعرف انا بيعط ليه اصلا. لو انا فرحان ممكن تبص لي وانا مش هقص كده ليه النهاردة؟ هو مزاجه حلو ولا ايه كده

ليه؟ ايه يا عم ما لك المود بتاعك عالي كده ليه - [00:13:17](#)

النهاردة والموت بتاعك طالع انت مش عارف اصلا انا فرحان ليه ولا انا زعلان ليه ولا انا فرحان ممكن اعيط وانا بيعط من الفرحة

وانت ما انتاش عارف بقى لك مرة باكلم احد اخواني عن ربنا كنا رايعين تاني يوم مشوار مهم شوية وفاصل في حياتنا. انا باتكلم

وانا حاسس ان انا اللي جوة قلبي - [00:13:27](#)

ربنا انا صادر ده هينفجر. يقول لي انت متوتر ليه؟ انت انت قلقان. يا عم انا مش قلقان يا عم. هو مش حاسس بي. هو مش عارف ان

ان ربنا - [00:13:47](#)

يبقى هو القريب. اقرب واحد لمشاعرك اقرب واحد لك ساعة الهم والمشاكل اقرب واحدة يقف معك زي بالزبط كده اقرب مركز

شرطة ولله المثل الاعلى اقرب صيدلية اقرب دكتور. اقرب اقرب واحد هيقف معك. بل هو اللي هيقف معك اصلا في كل - [00:13:57](#)

حاجة سبحانه وتعالى القريب يعني ايه القريب يا جماعة يعني ايه القريب قبل ما نقول يعني ايه قريب ربنا قريب منك قد ايه ربنا

قريب منك اوي اوي اوي اوي - [00:14:16](#)

انا عايزك تغمض عينك الوقتي كده وتقفل بقك خالص وما تحركش لسانك وتبدأ تكلم ربنا وتبدأ تطلب منه وتقول له يا رب انا تعبنا

انا تعبنا اوي يا رب انا بحتاج لك اوي يا رب - [00:14:33](#)

انا تايه من غيرك. انا مش عارف اعمل حاجة. مش عارف اوصل للي انا عايزه انا مش عارف انا عايز ايه اصلا انا يا رب باتعذب. انا يا

رب لو مت كده هتبقى مصيبة. انا مش عارف اوصل لك - [00:14:50](#)

ارضيك ازاي؟ احل مشاكل حياتي ازاي؟ كلمه وانت ساكت على فكرة المفاجأة ان ربنا هيرد عليك المفاجأة ان ربنا هيستجيب لك

المفاجأة انك انت تعرف تكلمه وتتكلم معه من غير ما لسانك ده يتحرك. وتبقى ماشي في الدنيا يا هتكتشف ان ممكن - [00:15:02](#)

يمكن ربنا يصاحبك في الحياة. ربنا صاحبنا وافضل علينا. عاشرين بالله من النار المفاجأة بقى ان ربنا اقرب لك من الملائكة فربنا وانت

بتطلب كده ولسانك واقف خالص هيكلم ملك من الملائكة. يقول يا ملائكتي اجيبوا دعاء عبدي فلان في كذا - [00:15:25](#)

الملائكة تقول يا رب هو ما طلبش اصلا ده احنا معه لديه احنا معه اربعة وعشرين ساعة. لأ طلب بس انتم ما نتوش قريبين منه زي.

هو طلب بقلبه هو طلب من غير ما يفتح بقه. قد نرى - [00:15:47](#)

تقلب وجهك في السماء. هو ما طلبش بلسانه اصلا. هو النبي عليه الصلاة والسلام ما قالش يا رب حول القبله يا رب. ما قالش يا رب

الكعبة يا رب طب البيت اللي بناه ادم واللي بناه ابراهيم هو هو بعنيه هو طلب بعينه. هو كل الرجاء اللي في قلبه جوة عينيه. قد

نرى تقلب وجهك في السماء. وربنا - [00:16:04](#)

وربنا عالم به. وربنا مش هاقدر اقول بقى ربنا حس به وخذوا بالكم يا اخوانا انا باقول الفاظ كده اكثر واحد حاسس بكم لما بنيجي بقى نتكلم عن ربنا يلاقى الموضوع مش كده. لان ربنا عالم بك. ربنا عالم بالامك وعالم بامالك. وعالم بهمومك - [00:16:24](#)

عشان ما نطولش على الربع ساعة اللي احنا اتفقنا عليهم هنوقف كده النهاردة بازن الله سبحانه وتعالى ونبدأ من بكرة نحاول ثاني نعمل الراية الثانية نعمل محاولة ثانية ان احنا نتكلم عن اسم الله القريب - [00:16:41](#)

ونتكلم عن قول الله واذا سألك عبادي عني فاني قريب اجيب دعوة الداعي اذا دعان. اشمعنى القريب المجيب في وسط ايات الصيام اشمعنى القريب تيجي في وسط رمضان؟ فايات رمضان - [00:16:56](#)

اشمعنى الاسم ده بالزات يرتبط برمضان في القرآن واشمعنى الاسم ده ييجي الاية اللي قبله بتتكلم عن احكام نهار رمضان. والاية اللي بعده احل لكم ليلة الصيام بتتكلم عن احكام ليل رمضان. اشمعنى ايه - [00:17:11](#)

ما بين النهار والليل وهل في علاقة ما بين القريب اصل في ناس فاكدة ان القريب يعني لما بتطلب منه بيدي لك. ده المجيب المجيب اللي بيديك كل حاجة اطلب اطلب طلباتك كلها بتننفذ ده المجيب ايه القريب وليه القريب يجي قبل المجيب - [00:17:25](#)

ونيجي في الموضوع ده وياه معاني اسم الله القريب؟ انت لما تسمع ان ربنا قريب تفرح. وامتى لما تسمع ان ربنا قريب تخاف انت لما تسمع ان ربنا قريب تظمن وياه علاقة الصالحين بالقريب؟ وياه علاقة النبي بالقريب؟ واذاي اسم الله القريب غير حياة النبي عليه

الصلاة والسلام - [00:17:43](#)

كلها لحد لحزة موته كان عايش مع القريب ازاى؟ وهو بينام كان عايش مع القريب ازاى وهو مع زوجته حتى مس جلدي جلدة كان عايش مع القريب ازاى؟ ازاى اسم الله القريب كان مسيطر على قلب النبي؟ وهو في الحر - [00:18:03](#)

حرب وهاجم عليه ثلاث تلاف واحد في احد. كان عايش مع القريب ازاى؟ وهو مهزوم عليه الصلاة والسلام ساعة هزيمة احد. النبي عليه الصلاة والسلام انتصر بدينه دائما ولكن بعد هذه ازاى - [00:18:21](#)

كان عايش مع القريب وهو في السماوات السبعة وشايف ما لا يتخيله ازاى كان عايش مع اسم الله القريب؟ ازاى الاسم ده ممكن يبقى حياة؟ وممكن ممكن يغير المود بتاعك في الحياة. وممكن يغير طعم الدنيا بالنسبة لك. وقد ايه ربنا قريب اوي ويعني ايه الاسم

ده؟ ونعيش معه ازاى - [00:18:31](#)

ربنا به ازاى؟ ان شاء الله بازن الله نكمل مع بعد هذا بازن الله. اللهم قربنا اليك. اللهم صلنا اليك. اللهم يا من تعلم ما في صدورنا ولا يعلمه سواك. يا من تعلم - [00:18:51](#)

اللهم فرج كربنا. اللهم نفس الهم والغم عنا. اللهم افرج عنا. اللهم لا نشكو اليك هموما لا يعلمها سواك. ولا يقدرها الاك. الله اللهم افتح علينا في مناجاتك. اللهم افتح علينا في مناجاتك. ربنا صاحب - [00:19:13](#)

ربنا صاحبنا وافضل علينا. ربنا صاحبنا وافضل علينا. ربنا احب يا صاحبنا في السفر ويا صاحبنا في الحضر ويا صاحبنا في الليل والنهار. ربنا صاحبنا وافضل علينا. عاندين بالله من النار. اللهم اجعلنا من المقربين. اللهم قرب - [00:19:43](#)

اليك اللهم صل قلوبنا اليك يا اقرب من كل قريب يا اقرب من كل قريب يا رب. ادخلنا جنة القرب يا رب العالمين سقنا لذة القرب يا رب العالمين. يا اقرب لقلوبنا من كل قريب. ويا اقرب - [00:20:13](#)

ارواحنا من كل قريب. اللهم اصلح لنا شأننا كله. ولا تكلنا الى انفسنا طرفة اللهم لا تجعل في قلوبنا الاك ولا تجعل همنا الا رضاك. ولا تجعل رغبتنا الا اليه. ولا تجعل توكلنا الا عليك يا قريب - [00:20:43](#)

يا قريب لا تكلنا الى احد سواك. يا قريب اغثنا يا قريب اعنا يا قريب افرج عنا. يا قريب افض على قلوبنا من نفحاتك وبركاتك. يا قريبة افضل علينا. يا قريب احفظنا واحرسنا. يا قريب اكلأنا برعايتك - [00:21:15](#)

يا قريب لا تكلنا الى احد سواك. يا قريب املأ قلوبنا حبا لك ثقة فيك ويقين بك. واخباتا وانابة اليك. يا قريب. لا تجعل احد اقرب الى قلوبنا منك. لا تجعل احد اقرب الى ارواحنا منك. يا قريب - [00:21:45](#)

لسنا بك. انسنا بك في الخلوة والجلوة. انسنا بك. ولا تشغل قلوبنا عنك باي شيء يا قريب. يا قريب يا قريب يا مجيب يا رب سبحانك

اللهم وبحمدك اشهد ان لا اله الا انت استغفرك واتوب اليك - 00:22:15

- 00:22:42